

排闥叫呼人貌羸黑言辭鄙陋腰插騾鞭如
 隨商客騾馱者罵曰道士奴正熱時聚眾作
 何物不向深山學修道還敢作漫語耶黃專
 師不測下講筵避詞眾人悉懼不敢抵牾良
 久辭色稍和曰豈不是修臺殿都用幾錢黃
 曰要得五十貫曰盡搬破鑄釜及雜鐵末約
 八九百斤掘地為爐以火銷之探懷中葫蘆
 瀉兩丸藥以物攪之少頃出火已成上銀曰
 此合得萬餘貫修觀計用有餘講則所獲無
 多但罷之黃與徒東深相謝問其所欲笑出
 門去不知所之後十餘年黃奉召來京忽於
 長安街西遇捕騾者有一袱子隨騎騾老
 人行全無茅山氣色黃欲趨拜迺撥手指騎
 騾者復連叩頭黃但遙植禮而已老人髮盡
 白視之十四五女子也事見逸史

茅山志卷之十四

茅山志卷之十五

上清嗣宗師劉大彬造

師三

采真游篇

吳綽神鳳初采藥華陽洞口見一小兒子把
 大珠三顆戲於松下綽因前詢誰氏之子兄
 奔入洞中綽恐為虎所傷遂相從連呼救之
 行不三十步見兒化作龍形一手握三珠填
 左耳中綽素剛膽以藥斧斫之落左耳而三
 珠已失所在龍亦不見出不十餘步洞門閉
 矣宋宣和封綽為養素先生事見龍城錄
 薛處之晉陵人也少不狎俗無羨榮秩齊建
 武二年停東川採訪真秘三年返落勃於
 大茅山東嶺洞天館行道松澗飲彌歷年
 歲也館即晉任真人於此成道壇竈猶存殊
 有靈驗先生是以訪古求真而即地焉
 馮法先字法遠晉陵曲阿人陳文帝天嘉元
 年遣中庶虞恭詣法遠管大齋三日中行
 道每禮一拜鍾輒自鳴誦步虛盡契亦復如
 此莫不嗟異
 馬樞字要理扶風郡人也博極經史尤善佛

書及周易老子義邵陵王綸為南徐州刺史
 引為學士綸舉兵授臺留書二萬卷付樞樞
 肆志尋覽殆徧乃喟然歎曰吾聞貴爵位者
 以巢由為桂楛愛山林者以伊呂為莞庫末
 名實則芻芥柱下之高翫清虛則糝糠席上
 之說稽之篤論亦各從其好也此求志之士
 望途而息豈天之不惠高尚何山林之無關
 甚乎迺隱於茅山有終焉之志陳天嘉元年
 文帝徵為度支尚書辭不應命自精洞黃能
 視閭中物有燕雙巢其庭樹馴狎闔廡時至
 几案春來秋去幾三十年大建十三年卒撰
 道覺論行于世
 戴勝字世榮晉陵曲阿人少而出家貧盡為
 鄉人劉表傭作表是將士好吹獵勝迺棄之
 來入茅山也
 褚稚字玄通吳郡錢唐人梁末隱山中重施
 輕財拯物無厭管田若熟以乞貧者與人共
 居常旦起洒掃取水徧以周給覓樵薪乞人
 夏月種瓜資人來取也
 桓法闡字彥舒東海丹徒人陶隱居高第弟

子也為梁南平王清遠館主任事緣多緒有廢研修廼齋岡山右別築玄洲精舍周處士弘讓題精舍壁云李蓋道故鼎趙蕭絕風雲悠悠千載下更復屬夫君王僧辯使陸晁圖聞及已形與周處士像於障面又飛白寫閣與僧辯書於障背仍以遺閣世有指桓記云閣為隱居執爨者宋道士賈善翔集高道傳謬用其說隱居書閣入山詩及隱居墓碑可表也矣

孫文翰一名翰字文藏會稽剡縣人入山師隱居參授真法及見楊許三真手書上經稍學模寫遂大巧妙後學大王書殊有深分當時稱之南洞九錫文碑許長史舊館壇碑並韜之迹也南洞碑陰云文翰心柔谷毅迹方智圓既業不羣物故異簡刊焉

錢妙真晉陵女子也辭家學道於隱居普通年中獨處幽巖誦黃庭經時年十九所居燕口洞積三十年而仙將去手裁書并詩七首與隱居別一日佩白練隱形入洞勅其地為燕洞宮至今女官奉祠

上清道士丹陽葛景宣仙公之胤太中蘭陵蕭世顯解纓帝室服道山林平昌幸脩之精進勤修古宿所推蘭陵邵元泰道化弘遠東海徐伯遠德教惟洽

菩提白塔行禪比丘會稽釋智淵業總五乘義該兩教陪真館主義與蔣負芻去來茅山有志栖託齊建元二年勅請於宗陽館行道煉納修備風骨異俗年過眉壽沐浴還神

前華陽館主吳郡陸逸仲前華陽館主太原王法明此二先生並以志遠棲逸不羣眾館崇元館主嘉興張元之建武中勅為館主又於茵山網上築臺以居時有白鶴來止遂名鶴臺

朱陽館主上清道士潘湖文隱居茅三茅二許經實以天監十二年啓勅所建嗣真館主丹陽句容許靈真館主晉世許真人云六世孫也天監三年啓勅所立

崇虛館主道士正吳郡張緝館本宋明帝勅立於潮溝供奉大法師陸脩靜齊永明勅立於蔣陵里陶先生再興焉宗真館主曲阿徐公休善有道素德望溫真天師九世孫張玄真道兼三洞德流四遠

天師十世孫張景邈容行識業秀挺超羣天師十世孫張蜀郡張智明天師十世孫張蜀郡張子華天師十世孫張畢天師十世孫張楷天師十世孫張胃

崇元館主丹陽末世謝天立華陽館主北郡傅卓宗玄館主吳郡張玄宗崇真館主曲阿湯法宜延真館主義興吳邁之宗明館主建康俞萬遠建善館主建康羅法仙上善館主吳興孟慧普

崇虛館主道士正吳郡張緝館本宋明帝勅立於潮溝供奉大法師陸脩靜齊永明勅立於蔣陵里陶先生再興焉宗真館主曲阿徐公休善有道素德望溫真天師九世孫張玄真道兼三洞德流四遠

天師十世孫張景邈容行識業秀挺超羣天師十世孫張蜀郡張智明天師十世孫張蜀郡張子華天師十世孫張畢天師十世孫張楷天師十世孫張胃

崇元館主丹陽末世謝天立華陽館主北郡傅卓宗玄館主吳郡張玄宗崇真館主曲阿湯法宜延真館主義興吳邁之宗明館主建康俞萬遠建善館主建康羅法仙上善館主吳興孟慧普

鶴鳴館主瑯琊衛靈符
 妙門館主餘杭暨天祿
 福林館主博昌任彥淨
 棲真館主建康陳法明
 洞玄館主鹽官朱法永
 舍真館主曲阿弘法清
 昭仙館主會稽伍玄則
 青陽館主建康張曇婁
 仙靈館主鹽官朱法景
 張求館主延陵張道存
 玄圃館主延陵錢法基
 開真館主延陵王方闕
 龍阿館主曲阿陳紹先
 福鄉館主晉陵劉湛之
 金陵館主嘉興文連祖
 招真館主高陽許叔存
 方隅館主延陵鍾文霄
 龍泉館主義興周景沖
 宗真館主延陵尹法靜
 玉泉館主曲阿左文舉

五

備真館主句容畢文和
 天市館主延陵韋尼子
 北洞館主句容王法休
 招靈館主吳郡丁奉之
 陽明館主永世於天慧
 金剛館主延陵謝法先
 龍陽館主晉陵薛延之
 曲林館主蘭陵繆法興
 黃曾館主曲阿陳石鴻
 洞陽館主義興張方成
 茅真館主錢唐俞僧瑤
 通微館主蘭陵許靈慶
 洞清館主蘭陵車靈晚
 興齊館主曲阿陳師度
 齊鄉館主曲阿劉僧明
 方玄館主湖孰戴令符
 正範館主晉陵王希弟
 降真館主延陵陳耀雲
 林屋館主剡縣楊超遠
 帝鄉館主蘭陵鞠邊



六

龍安館主延陵陳怡
 清玄館主女官延陵潘令翹
 宗靈館主女官延陵王明珠
 昭臺館主女官晉陵錢密妃
 處靜館主女官吳郡劉妙雲
 萬椿館主女官延陵王玉盈
 仁靜館主女官丹陽楊淨音
 梵明館主女官溧陽萬妙妃
 寶梵館主女官溧陽萬妙娥
 天師十世孫女張子臺
 天師十世孫女張季妃
 太素精舍女官曲阿張妙容
 上明精舍女官晉陵薛要羅
 太文精舍女官丹陽湯明輝
 騰勝精舍女官彭城韓霜妃
 鬱單精舍女官延陵朱靈妃
 妙寂精舍女官延陵潘妙獨
 尋真精舍女官延陵唐僧妃
 宗標精舍女官曲阿陳僧淑
 永福精舍女官延陵閻丘靈桂

服食道士女官暨陽徐靈翠

招真道士句容嚴浩耀

鳳臺道士蘭陵桓方開

山居道士句容張法真

三洞法師曲阿殷靈養

三洞法師永世於玄明

二洞法師魯郡周顯明

宗元蓮主吳郡陸僧回

神州邑主法身薄九真

建真邑主法身韓休明

朝宦法身延陵曹玄明

治令法身彭城鄭休之

治丞法身山陰董道蓋

桐栢先生王執字洪範一字道模瑯琊臨沂

人也曾祖芍藥散騎常侍祖銛簡文太子洗

馬父瑜陳著作佐郎先生年二十事王法主

為中親弟子積十六年從法主際遇隋唐二

代初大業十一年奉詔河南二十四郡博訪

異人貞觀間奉勅改建華陽觀乾封二年十

一月且願謂門人曰吾昨夢三羽人執簡告

日華陽天宮用師為神仙萬人主者兼知校

領省官請嘗行矣吾昔在桐栢山已感斯夢

須應此召至八日沐浴易衣冠九日端簡而

化年八十八葬雷平山陶真人墓右

王是有術解居洛陽青蘿山鄉里見之已數

百歲常有少容開元中徵至京師玄宗見其

童顏鬢髮頗加恩禮時玄宗於茅山得楊許

衆真及陶真白所寫上清諸經真蹟其經闕

文十三紙使是費靈書信幣詣紫陽觀請玄

靜先生補書之若曰朕不欲命小臣干冒於

先生委卿專往必冀神仙手筆今古相續耳

吳到山之日靈鶴翔鳴玄靜書經之時神人

降其室皆精誠所應也事見仙傳拾遺

吳筠魯中儒入嵩山依宗師潘師正為道士

傳上清之法苦心鑽仰延盡通其術開元中

南游金陵訪道茅山久之東游天台尤善著

述玄宗聞其名徵之與語甚悅令待詔翰林

未幾求還茅山許之既而中原大亂江淮多

盜逼東游會稽天台與李白孔巢父詩篇酬

和道遙泉石竟終於越中見唐書本傳

崔希真客鍾陵舍于郡西善鼓琴工繪事兼

好修鍊之術大曆二年十月朔夜大雪希真

晨啓門見一老人衣蓑戴笠避雪門下崔異

之延入脫去蓑笠神色毛骨非常蓋敬之問

曰家有大麥麵聊以充飢公能食乎老父曰

大麥受四時氣穀之善者也沃以鼓汁彌佳

崔命家人具之間又獻松花酒老父曰花澁

無味野人有物能令其醇美迺探懷中丸藥

色黃而堅以石叩之置少許酒中甘香頓異

仍以餘藥遺希真崔入宅隙窺之見老父

於幃帷前所積畫素上如有所圖瞬息而罷

崔出已失老父遂踐雪迹逐之數里至江入

蘆洲中見一大船舫中數人狀貌皆奇其人

顧笑曰葛三迺見逼於伊人迺謂崔曰遵道

嚴師之禮不必然也崔拜而謝之歸視幃中

得圖焉有三人二樹一白鹿一藥叢其二人

蓋方外之狀手執玄芝一似乘藥者二樹似

松栢皆幽巖為風雨所敗枯朽之狀根相連

屬非常意所及後携圖并丸藥來山詣李含

光天師天師曰此真人葛洪第三子所畫也

李君又曰寫神人形狀於朽木之下意若得道者寄過松栢也其藥迺千歲松膠也事見原化記

崔芋處士隱居茅山貞元十二年右諫議大夫韋渠牟薦之德宗徵至闕下事見唐史
龔道者逸其名居東海蓬萊觀服食十餘年唐咸通中得入華陽洞大有靈異

茅山志卷之十五

茅山志卷之十六

師四

上清嗣宗師劉大彬造

采真游篇

夏侯隱者不知何許人唐大中末來山常携布囊竹杖而已飲食同常而獨居一室或露宿壇中草間樹下人窺覘之但見雲氣蕭蕭不見其身每游三五十里登山渡水而閉目美睡同行者聞其鼻鼾之聲而步不蹉跌之無蹶礙至所止即覺時號睡仙後不知所終見仙傳拾遺

周隱蓬字息元唐寶曆崇元聖祖院在南洞者即黃皇李公德裕供養先生之所又嘗居洞庭苞山不以晝夜更動息不以寒暑易織厚不食而甚力雖飲而無漏唐令狐楚為之記仙傳拾遺亦有傳

張紹英丹陽人自為道士不入城府仁宗思接方外之論先生與友朱自英觀妙宗師也偕應詔來既治行先生辭以疾明年丞相丁謂王欽若同奏于上再召後二年使車再至俱稱疾不起遣中貴人任珪齎語于山賜號明真

先生仍勅所居庵為天聖觀年七十五一日清旦沐浴更衣升壇拜于四方上下扁戶而坐弟子異之啓戶已號化矣

王荃字子真岐下平陽人父錫殿中丞母司馬氏兄弟皆從科舉荃獨學道因郊行憇瓜圃間有嫠婦從乞瓜視其乳齊於腹異之遺以瓜婦食之以其餘啖荃荃食之婦喜曰可教矣吾蕭三娘也神仙海蟾子居此語旦與俱見遂授丹訣自爾奉

三清尊像朝夕禮誦黃庭經累月不出戶後遠游名山西至成都富鄭公慕之館於門下八年丞相呂公尤敬之近臣欲舉種放故事以諫議大夫起之宰相以荃無為人意迺止元豐中復舉于朝賜號仲照處士族弟柄守台州欲往台未至而柄卒因來山從劉先生受上清經錄傳度之夕雷起中茅峯上便門忽開仙樂聞於空中一日晝寢夢二天人引入便門至洞宮見茅君告曰已勅汝司命府丞賜以金尺趣覺遂預言逝日投山下道民為沖家端坐而斃年六十一荃清脩骨立